

LEI N° 2/2010
21 de Abril
LEI SEGURANSA NASIONÁL

PREAMBOLU

Soberania Repúblika Demokrátika Timor-Leste nian fó direitu no dever ba Estadu atu defende nia elementu importante: territóriu, soberania no poder polítiku. Artigu 6° iha Konstituisaun dehan katak objetivu Estadu nian maka a) “Defende no garante soberania rai nian.” Realidade agora daudaun nian no ameasa transnasionál (husi nasaun barak), asiométriku (tipu no ho tamañu oin-oin), dispersa (namkare), multidiresionál (ba diresaun oin-oin) no susar atu halo avaliasaun, ne’ebé identifika iha ambiente estratéjiku (situasaun) agora daudaun nian, hatudu katak iha nesesidade atu preve defeza elementu importante sira Estadu nian tuir dalan ne’ebé integradu.

Elaborasaun ba konseitu integradu Seguransa Nasionál, liuhusi ne’ebé atividade Defeza Nasionál, Seguransa Interna no Protesaun Sivíl hatan tuir koordenasaun ba ameasa husi orijen oin-oin no ho karakterístika ne’ebé identifika, mai husi konseitu “*Homeland Defence*” husi jurisdisaun ne’ebé bele kompara. Iha Timor-Leste, ita bele haree aumentu iha integrasaun ba funsaun defeza no seguransa iha estrutura IV Governu Konstitusionál ne’ebé harii Ministériu defeza no Seguransa, no mós harii “Komandu Konjuntu entre F-FDTL no PNTL” hodi hala’o “Operasaun Halibur” tuir rezulusaun governu nian iha 3/2008, loron 17 fulan Feveireiru. Perspektiva integrada ida ne’e kona-ba Seguransa Nasionál inklui mós iha previzaun Konstitusionál art. 6° a) iha Konstituisaun Repúblika Demokrátika Timor-Leste nian, ho relasaun ba objetivu Estadu nian kona-ba matéria ba defeza soberania nasionál nian.

Elaborasaun konseitu ida ne’e nian sei iha konsekuénsia ba oinsá halo definisaun no

hala’o no orienta politika Estadu nian. Tenke iha konsiderasaun ba politika seguransa nasionál ne’ebé dedika an ba orientasaun polítika matéria seguransa nasionál ne’ebé integradu, katak atividade, no mós politika sira kona-ba matéria defeza nasionál, seguransa interna e protesauun sivíl tenke tuir. Karik laiha doutrina Konstitusionál liuliu hodi defini objetivu permanente ne’ebé definisaun politika hotu-hotu tenke tuir, fó konsellu katak iha aspetu intervensaun lejislativu, obriga atu hadiak planu nasionál no garante intervensaun husi Prezidente da Repúblika, maski tuir art. 103 KRDTL nian, responsabilidade atu halo definisaun no hala’o monu ba Governu. Koordenasaun kona-ba politika matéria Seguransa nasionál nian sei la prejudika katak maski tenke integradu, garante ezisténsia ba atividade sira ne’ebé autónomu, kona-ba matéria Defeza Nasionál, Seguransa Interna no Protesaun sivíl, ne’ebé sira nia orientasaun politika autónomu iha objetu ne’ebé limitadu liu no realizasaun ne’ebé boot liu.

Definisaun tuir konseitu no politika matéria Seguransa nasionál iha konsekuénsia ne’ebé limitadu liu iha nivel estratéjiku no operasionál. Tanba laiha possibilidade atu garante integrasaun funsaun sira Estadu nian ba iha Defeza Nasionál, Seguransa Interna no Protesaun Sivíl, liuliu ho konsiderasaun ba autonomia Konstitusionál Forsa Defeza nian, Artigu 146, no Forsa no Servisu Seguransa, iha Artigu 147, lei agora daudaun nian regula deit kona-ba atuaun/operasaun konjunta. Ne’e sei akontese beibeik bainhira hatudu katak ne’e maka dalan ida deit ne’ebé tenke tuir hodi alkansa objetivu sira Estadu nian hodi proteje elementu esensial /importante. Hodi nune’e garante katak iha intervensaun suplementár no komplementár. Modalidade atu suplementa Forsa no Servisu defeza no Seguransa no Ajente protesauun sivíl sira nian, regula liu husi sistema orgániku – funksionál (Sistema Integradu Seguransa Nasionál nain) ne’ebé iha reprezentasaun husi entidade hotu-hotu ne’ebé iha

kompeténsia kona-ba matéria seguransa nasionál no, prosesu atu foti desizaun no kontrolu inklui órgaun soberania hotu-hotu ho kompeténsia ba matéria, liuliu husi Parlamentu Nasionál, no espesial liu husi Prezidente da República hanesan mós ho Komandante Supremu Forsa Armada nian. Iha parte seluk garante mós legalidade ba asaun no kontrolu polítiku no jurídiku ba uzu forsa, liuhusi elaborasaun ba regra atu hala'o. Maski la preve iha lei ida ne'e, sei mantein nafatin autonomia ba intervensaun forsa nian tanba iha natureza no Finalidade ne'ebé la hanesan no mós ba estrutura no formasaun ne'ebé la hanesan, hodi bele proteje di'ak liu tan direitu fundamental sidadaun sira nian no iha tempu ne'ebé hanesan kumpre ho objetivu Estadu nian kona-ba defeza ba nia elementu importante sira.

Nune'e duni, Parlamentu Nasionál Dekreta, tuir artigu 92 no 95 no. 2 aliña o) husi Konstituisaun da República hodi vale nu'udar lei buat ne'ebé tuir mai:

KAPÍTULU 1 DISPOZISAUN JERAL

Artigu 1 Objetu

Lei ida ne'e tau dixiplina hodi halo koordinasaun ba atividade sira Estadu nian kona-ba Defeza ba element sira ne'ebé esensial.

- a) Hodi halo definisaun ba política Seguransa Nasionál hodi garante dezvoltimentu integradu ba atividade sira Defeza nasionál, Seguransa interna no Protesaun sivil nian;
- b) Iha estrutura sistema integradu Seguransa nasionál nian, ne'ebé hala'o tuir operasaun konjuntu tuir kondisaun ne'ebé hakerek iha lei.

SEKSAUN I SEGURANSAN NASIONAL

Artigu 2 Seguransa Nasionál

Estadu defende no garante independénsia no soberania poder polítiku nian, unidade integridade territóriu nasionál no liberdade no Seguransa populasaun nian, tuir Konstituisaun lei ida ne'e nian no leizlasaun seluk ne'ebé iha vigór, liuhusi kompleksu integradu no atividade sira Estadu nian ne'ebé tuir orden no hamutuk halo Defeza nasionál, Seguransa interna no Protesaun sivil.

Artigu 3 Karater Seguransa Nasionál nian

1. Seguransa nasionál iha karater nasionál, integradu, global no permanente, natureza inter-ministerial no uza meius hotu-hotu ne'ebé Estadu iha hodi enfrenta ameasa ka risku ba Estadu nia element esensial sira.
2. Hodi kumpre ho finalidade Seguransa nasionál, Estadu tenke promove dezvoltimentu no hala'o atividade integradu Defeza nasionál, Seguransa interna no Protesaun sivil
3. Kapasidade ne'ebé preve iha número anterior bele iha rezolusaun ne'ebé efikás liu ba situaun sira krize nian, liu-liu bainhira iha kalamidade públiku, ne'ebé kauza husi dezastre natural sira ne'ebé halo mudansa boot ba orden públika, no bainhira la tuir kazu hirak ne'e, promove prevensaun no preparasaun ba entidade sira ne'ebé hamutuk maka forma sistema integradu Seguransa Nasionál no bele mós fó apoiu ba dezvoltimentu sósiu – ekonomiku povu nian.
4. Seguransa nasionál fó valór ba realidade kultura rai nian, no liu-liu ba valór tradisionál sira, hodi kumpre di'ak liu objetivu ne'ebé iha, sei uza povu nu'udar referénsia, no fó konsiderasaun espesial ba konsellu Distritál Seguransa nian no ba Xefe Suco sira.

Artigu 4
Prinsípiu Jerál sira

1. Seguransa nasionál garante soberania nasionál liu-liu tuir definisaun independente ba polítika Seguransa nasionál no ba objetivu estratéjiku nasaun nian.
2. Seguransa nasionál hala'ó servisu ba comunidade, no tenke tuir Konstituisaun no lei, no dirije husi órgaun soberania ne'ebé eleitu liuhusi prosesu demokrátiku.
3. Atividade sira Estadu nian kona-ba Seguransa nasionál fó vantajen ba prevensaun no diskusaun kona-ba ameasa sira, ho uzu forsa deit bainhira laiha rezolusaun pasífika ba disputa ka konflitu ruma, no fó vantajen atu uza armament ne'ebé la kauza mate.
4. Estadu respeita direitus umanus, direitu povu nian no Direitu, Liberdade no garantia fundamental sidadaun nasionál no estranjeiru sira nian, bainhira defende nia soberania.
5. Seguransa nasionál dezenvolve tuir respeita ba prinsípiu no Norma sira Direitu Internasionál sira ne'ebé iha vigór iha Timor-Leste, liu-liu kona-ba sistema multilateral Seguransa koletiva nian no ba kompromisu rejionál no bilateral ne'ebé Estadu halo.
6. Bainhira hala'ó Seguransa Nasionál iha estrutura sistema aliansa koletiva nian, fó valór hodi uza Forsa Defeza no ba Forsa no Servisu Seguransa no ba ajente sira Protesaun sivil ba misaun ba jestaun krize nian no ba misaun ne'ebé fó apoiu ba pas no umanitariu, liu-liu iha estrutura organizaun bilateral, rejionál no multilateral kooperasaun no seguransa nian.
7. Bainhira dezenvolve atividade sira seguransa Nasionál nian, Estadu tuir prinsípiu proporsionálidez nian hodi kauza sakrifísiu ne'ebé ki'ik liu hodi realiza sira nia objetivu.
8. Operasaun conjunta ne'ebé entidade sira ne'ebé forma sistema Integradu

Seguransa Nasionál nian hala'ó, sempre tuir lei ida ne'e no hetan apoiu komplementár ba sira nia atuaun husi entidade ho kompeténsia prinsipál ba Defeza Nasionál, Seguransa Interna no Protesaun Sivil.

SEKSAUN II
FORSA DEFEZA, FORSA NO SERVISU
SEGURANSAN AJENTE SIRA
PROTESAUN SIVIL

Artigu 5
Objetu

1. Seguransa Nasionál garante liuhusi atividade integrada Forsa Defeza nian, Forsa no Servisu Seguransa no husi Ajente sira Protesaun Sivil nian.
2. La prejudika misaun ne'ebé preve iha Konstituisaun ba objetivu principal, dezenvolve iha lejislasaun espesial Forsa Defeza, Seguransa no Ajente sira Protesaun Sivil nian, hala'ó asaun tuir dalan ne'ebé integradu, tuir lei ida ne'e, no iha estrutura sistema integradu Seguransa nasionál nian.
3. Operasaun conjunta, Forsa Defeza no Servisu Seguransa no mós Ajente sira Protesaun Sivil nian, sempre hala'ó nu'udar suplementu ba sira ida-idak nia atuaun individual, promove no foti desizaun ba ne'e liuhusi estrutura sistema integradu Seguransa Nasionál nian no bele foti deit desizaun ne'e bainhira tuir kazu ka situaun ne'ebé preve iha lei ida ne'e.

Artigu 6
Prinsípiu sira

1. Tuir Konstituisaun, lei ida ne'e no lei seluk ne'ebé iha vigór, Estadu mesak maka kaer poder atu uza forsa kona-ba Seguransa Nasionál, no proibidu atu halo asosiasaun armada no organizaun sira ne'ebé atu hanesan militar ka paramilitar.
2. Forsa Defeza, Forsa no Servisu Seguransa no Ajente sira Protesaun Sivil nian maka garante Seguransa Nasionál liuhusi misaun ne'ebé sira simu

- legalmente tuir Konstituisaun no bele hala'õ hamutuk tuir forma suplementár, tuir lei ida ne'e.
3. Forsa Defeza, Forsa no Servisu Seguransa no Ajente sira Protesaun Sivíl nian tenke tuir Konstituisaun no Lei, determinasaun órgaun soberania ho kompeténsia kona-ba Seguransa Nasionál, tuir Konstituisaun lei ida ne'e nian no lei seluk ne'ebé iha vigór.
 4. Edifikasaun no konfigurasaun Forsa Defeza, Forsa no Servisu Seguransa no Ajente sira Protesaun Sivíl nian tenke hetan benefisiu kona-ba sira nia atuasaun konjunta no partisipasaun iha forsa multinasionál ne'ebé fó apoiu ba pas no umanitáriu.
 5. Entidade hotu-hotu ne'ebé forma iha sistema integradu Seguransa nasional, bainhira nesesáriu, sai nu'udar ajente Protesaun Sivíl, ho limite ba sira nia knar no kompeténsia a sira nia órgaun nian, no sei la prejudika sira nia independénsia, autonomia ba sira nia misaun espesífiku.

Artigu 7 Uzu Forsa nian

1. Forsa Defeza no Forsa no Servisu Seguransa bele uza forsa ka ameasa atu uza forsa, maibe tenke tuir Konstituisaun no lei ne'ebé iha vigór liu-liu regra direitu internasionál ne'ebé ita tuir iha Timor-Leste.
2. Uzu forsa, ameasa atu uza forsa ka atividade hirak ne'ebé iha relasaun ho uzu forsa nian hetan kontrolu liuhusi politika no lei, ba definisaun regra kona-ba oinsá hala'õ.
3. Regra kona-ba oinsá hala'õ, ba forsa no ba ema ida-idak iha nivel hotu-hotu komandu nian, defini sirkunstánsia, kondisaun, grau no oinsá bele uza forsa.
4. Regra kona-ba oinsá hala'õ respeita direitus, liberdade no garantia prinsipiu lei nian sira nian, Direitus umanus no povu nian, liu-liu Norma ba direitu internasionál hirak ne'ebé ita tuir.

5. Regra kona-ba oinsá hala'õ defini situasaun bainhira uza forsa, ba entidade ida-idak ne'ebé forma sistema integradu Seguransa Nasionál, bainhira la halo Defeza lejítima, husi individual no hodi proteje mós forsa sira.
6. Chefe Estadu Maiór Forsa Armada General (CEMGFA) nian maka halo proposta ba Regra kona-ba oinsá FALINTIL-FDTL (FDTL) hala'õ no Comandante-Geral PNTL halo proposta kona-ba oinsá Polísia Nasionál Timor-Leste hala'õ, no Konsellu Ministru maka aprova proposta hirak ne'e, no Prezidente da República ratifika bainhira envolve asaun husi F-FDTL.

Artigu 8 FALINTIL-FDTL

1. FALINTIL-FDTL (F-FDTL) maka responsavel ba Defeza Militar República Demokrátika Timor-Leste nian, tuir Konstituisaun no lei hirak ne'ebé iha vigór, no sei la fó prejuizu ba akordu kona-ba direitu internasionál ne'ebé iha vigór iha Timor-Leste.
2. Alem ba misaun prinsipál ne'ebé iha, F-FDTL bele uza mós hodi hala'õ misaun atu fó apoiu ba autoridade sivíl iha estrutura sistema integradu Seguransa Nasionál nian tuir lei ida ne'e, no mós fó apoiu ba política sterna Estadu nian, iha operasaun pas no umanitáriu.
3. Hodi bele hala'õ pontu anterior, F-FDTL dezenvolve kapasidade kooperasaun sivíl no militar ho atensaun espesial ba estrutura kultura nian ne'ebé tradisionál.
4. Kompozisaun, organizasaun no estrutura no knar F-FDTL nian defini liuhusi lejislasaun espesial.

Artigu 9 Polísia Nasionál Timor-Leste nian

1. Polísia Nasionál Timor-Leste (PNTL) defende legalidade demokrátika no garante seguransa interna sidadaun sira

- nian tuir Konstituisaun, ho atensaun espesiál, iha comunidade nia laran ba estrutura kultura ne'ebé tradisionál.
2. Alem ba misaun principal ne'ebé iha, PNTL bele uza hodi hala'ó misaun espesífika ba interese públiku no halo kolaborasaun ho Forsa Defeza no autoridade militar, no mós ho ajente sira Protesaun sivil nian, hodi komplementa tuir lei ida ne'e nian.
 3. Hodi bele hala'ó pontu anterior, PNTL iha estratéjia no filizofia kona-ba asaun komunitária, no kona-ba nia organizasaun, dixiplina, instrusaun no estatutu pesoál nian, iha karakter hanesan ho militar nian.

Artigu 10 Protesaun Sivil

1. Protesaun sivil maka atividade hirak ne'ebé Estadu, sidadaun no entidade hotu-hotu, pública no privadu, hala'ó hodi prevene risku hirak ne'ebé bele kauza situaun asidente grave ka katástrofe, hodi hamenus efeito no proteje no fó tulun ba ema no ba bens ne'ebé enfrenta perigu bainhira hasoru situaun hirak ne'ebé refere.
2. Atividade sira Protesaun sivil nian iha karakter nasional no permanente, multidixiplinár (dixiplina barak) no plurisektoriál (iha seksaun barak), ne'ebé defini iha lejislasaun espesiál ne'ebé konsagra sira nia objetivu, prinsipiu, propriedade kona-ba rekursus nian no ba bainhira deklara situaun alerta nian, ka situaun kontinjéncia ka kalamidade nian. Prosedimentu hirak ne'e sei halo parte iha planeamentu sivil kona-ba emergjéncia no Protesaun sivil.
3. Koordinasaun kona-ba ajente sira Protesaun sivil nian, sei la prejudika kapasidade entidade ida-idak iha sistema integradu, Seguransa Nasional nian, ka ba nia independéncia autonomia ka ba misaun espesífiku ne'ebé nia iha, autoridade Protesaun sivil maka iha responsabilidade atu

- organiza nia an iha nivel nasional, Distritál no iha Suco sira.
4. Autoridade Protesaun sivil nian iha misaun atu halo planu, koordinasaun, no hala'ó política Protesaun sivil nian, liu-liu ba prevensaun no halo reasaun ba asidente ne'ebé grave no katástrofe, hodi prevene no fó tulun ba populaun no halo supervizaun (tau matan) ba Bombeiru sira.
 5. Autoridade Protesaun sivil iha kompeténcia atu promove levantamento, previzaun no avaliaun ba risku kolektivu, organiza sistema nasional atu halo alerta no fó avizu, atu fó lisensa no halo fiskalizaun katak kumpre ho lei kona-ba Protesaun sivil.

KAPITULU II POLITIKA SEGURANSA NASIONAL

Artigu 11 Política Seguransa Nasional

1. Estadu dezenvolve prinsipiu barak ne'ebé atu hanesan, objetivu, orientasaun no medidas atu adopta ba Defeza integrada ba nia element hirak ne'ebé importante.
2. Política Seguransa nasional garante espesiál liu ba koordinasaun ba atividade Defeza nasional, Seguransa interna no Protesaun sivil, maski la prejudika implementasaun no dezenvolvimentu sektoriál.
3. Nesesidade ba Seguransa Nasional, dever ne'ebé mosu liu husi nesesidade hirak ne'e, no matadalan jerál Política Seguransa Nasional maka sai objetu informasaun pública, konstante (fó beibeik) no atualizadu (Korrente).

Artigu 12 Karakterística

- Política Seguransa Nasional iha karakter:
- a) Nasional, ba territóriu nasional tomak, no envolve sidadaun nasional hotu-hotu, no organizasaun sosial tradisionál.
 - b) Integradu, no órgaun hotu-hotu, ema no departamentu Estadu iha obrigasaun atu

promove kondisaun ne'ebé nesesáriu hodi ezejuta.

- c) Global, inklui komponente militar no komponente hirak ne'ebé la'os militar.
- d) Permanente, hala'o beibeik no iha fatin hotu-hotu.

Artigu 13

Objetivu Permanente Politika Seguransa Nasionál nian

1. Governu maka halo politika Seguransa Nasionál tuir Konstituisaun, no tuir objetivu permanente ne'ebé defini iha lei ne'e.
2. Politika Seguransa Nasionál buka atu asegura defeza integrada ba elementu esensial sira Estadu nian bainhira dezenvolve atividade oin-oin, tuir objetivu permanente hirak tuir mai:
 - a) Proteje unidade, integridade no soberania territóriu nasional nian, liu-liu hodi garante soberania, protesau no desenvolvimentu rekursu natural nian, seguransa no kontrolu no jestaun fronteira terrestre no marítima sira nian iha, tuir sistema Integradu Seguransa Nasionál nian.
 - b) Asegura liberdade, seguransa populasaun nian no hala'o sira nia direitu no liberdade fundamental, pas públiku, protesau ba bens no ba patrimóniu nasional liu-liu:
 - i) Promove kondisaun seguransa umanu, ne'ebé permite desenvolvimentu sosiál, ekonomiku no kulturál populasaun sira nian, no envolve rekursu polítiku no administrativu hotu-hotu ne'ebé Estadu iha;
 - ii) Proteje identidade no unidade nasional, asegura promosaun ba valór seguransa nasional iha edukasaun, liuhusi nivel oin-oin sistema edukasaun nian, no

promove valór tradisionál hanesan fatór identidade nasional ne'ebé bele hametin Seguransa Nasionál.

- iii) Prevene no hamenus konsekuénsia kona-ba katástrofe natural, defende ambiente no prezerva saúde pública no promove planeamentu ba protesau sivil no ba emerjénsia.
- iv) Prevene krime, liu-liu krime ne'ebé violentu no organizadu, hodi garante atividade sira seguransa privada nian legal no tuir lejislasau spesífiku.
- c) Defende liberdade órgaun soberania nian atu hala'o asaun, funsionamentu regular instituisaun demokrátiku, no possibilidade atu kumpre ho objetivu fundamental Estadu nian, liu-liu:
 - i. Fó kontribuisaun ba pas, seguransa no estabilidade rejional no internasionál, liuhusi partisipasaun iha atividade multilateral (ho rai seluk) tuir kontestu internasionál no rejional, no garante manutensaun no estabese fila fali pas tuir kondisaun ne'ebé korresponde ho interese nasional.
 - ii. Proteje espasu (fatin) estratéjiku ba interese nasional, liu-liu fó garantia ba soberania ba tasi territóriu nian, área ekonomiku eskuzivu no área seluk ne'ebé hale'u, tasi-kidun no espasu aéreu.
 - iii. Fó apoiu ba politika esterna estadu nian, liu-liu husi partisipasaun iha misaun bilateral, rejional ka multilateral ba apoiu umanitariu no ka pas nian.
 - iv. Promove koordensaun no movimentu entre forsa Defeza no Seguransa, liu-liu husi formasaun integrada ba estrutura (pesoál), no hametin kooperasaun sivil-

militár no garante efikásia no koordinasaun ba sistema informasaun nasionál.

Artigu 14

Valór sira Seguransa nasionál nian

Seguransa Nasionál tuir no promove valór lealdade nian kona-ba povu, ierarkia, atenbarani kona-ba fíziku no moral, valór sira respeito nian ba prinsípiu legalidade Demokrátika, auto determinasaun, ba soberania permanente povu sira nian kona-ba sira nia rikusoin no rekursu natural no mós la interfere iha asuntu internu Estadu seluk nian.

Artigu 15

Propriedade sira Seguransa Nasionál nian

Politika Seguransa Nasionál define prioridade ne'ebé atu halo tuir hodi kumpre objetivu permanente Seguransa Nasionál nian ho konsiderasaun liu-liu ba:

- a) Identifika poténsia ne'ebé iha no área ne'ebé vulneravel ho vizaun atu hamenus ameasa no risku.
- b) Garante kooperasaun sivíl no militár no kontinua hametin tuir dalan ne'ebé integradu.
- c) Identifika tuir dalan ne'ebé unidu no integradu, aspetu komplementár seguransa no defeza nian.
- d) Asegura natureza komplementár seguransa no dezvoltimentu nian nu'udar fatór estabilidade nian no identidade nasionalidade ne'ebé metin
- e) Hodi organiza forsa tuir kapasidade ne'ebé ádekuadu ba misaun ne'ebé atu hala'o.
- f) Nesesidade atu garante planeamentu ba emergjénsia no protesau sivíl
- g) Halo kontribuisaun ba kapasitasaun ne'ebé bele sustenta tuir dalan ne'ebé iha harmonia, ba forsa defeza no ba forsa no servisu seguransa.
- h) Uza rekursu tuir dalan ne'ebé efisiénte no integradu.

Artigu 16

Definisaun no Kondusaun

1. Politika Seguransa Nasionál elabora iha estrutura kompeténsia espesífika órgaun soberania ida-idak nian, no tuir Konstituisaun no lei ida ne'e nian
2. Governu estabelese Politika Seguransa Nasionál, tuir artigu anterior. Ho Parlamentu Nasionál no Prezidente de Repúblika.
3. Bainhira hala'o Politika Seguransa Nasionál, Governu iha responsabilidade hamutuk ho kompeténsia órgaun soberanu seluk nian kona-ba Seguransa Nasionál.

KAPITULU III

SISTEMA INTEGRADU SEGURANSA NASIONÁL NIAN

SEKSAUN I

DISPOZISAUN JERÁL SIRA

Artigu 17

Prinsípiu sira

1. Atividade sira ne'ebé entidade sira ne'ebé forma Sistema Integradu Seguransa Nasionál nian iha seksaun barak, dixiplina barak no inter ministerial, no órgaun no pesoál hotu-hotu Estadu nian hola parte, hodi kumpre objetivu permanente Seguransa Nasionál no hodi uza rekursu tuir dalan ne'ebé efisiénte.
2. Implementasaun operasaun conjunta forsa sira nian sempre halo nu'udar asaun suplementár ba intervensaun mesak husi forsa defeza, forsa no servisu Seguransa, no Protesau Sivíl ne'ebé Konstituisaun no lei fó kompeténsia tuir prinsípiu, kona-ba matéria ne'ebé determina.
3. Operasaun konjuntu bele hala'o deit tuir kazu hirak ne'ebé determina iha lei ida ne'e, no halo iha estrutura sistema Integradu Seguransa Nasionál nia laran, no tenke tuir prinsípiu jerál Seguransa

Nasionál nian no kumpre objetivu permanente Seguransa Nasionál nian.

Artigu 18 **Sistema Integradu de Seguransa Nasionál**

1. Bainhira hatan ba ameasa no risku ba Seguransa Nasionál, tenke iha atuasaun integrada husi komponente no unidade sira nian. Maibe sei la prejudika sira nia autonomia, entidade no ba ezekusaun sira nia misaun :
 - a) FALINTIL-FDTL
 - b) PNTL
 - c) Servisu Nasionál Intelijénsia
 - d) Autoridade protesau Sivil nian, ne'ebé integra iha Korpu Bombeiru sira nian
 - e) Sistema Autoridade marítima nian
 - f) Autoridade Aeronáutika
 - g) Servisu prizonais
 - h) Servisu Migrasaun
 - i) Seguransa Sivil
 - j) Alfândega
 - k) Konsellu Distritál Seguransa nian
 - l) Servisu Kuarantena nian
2. Sistema Integradu Seguransa Nasionál nian fó vantajen hodi kompleta no halo kolaborasaun ne'ebé kle'an liu entre entidade hirak ne'ebé hamutuk forma Sistema Integradu Seguransa Nasionál nian, kona-ba treinu no lojístika, hodi buka atu optimiza rekursu sira no hodi iha efisiénsia boot liu bainhira atu kumpre sira nia misaun.
3. Bainhira forma forsa defeza no forsa no servisu Seguransa Nasionál no ajente sira protesau sivil hodi partisipa iha Sistema Integradu Seguransa Nasionál, tenke promove Fleksibilidade (bele muda) mobilidade (bele ba mai) no bele uza iha operasaun oin-oin

Artigu 19 **Planu Integradu Seguransa Nasionál nian**

1. Planu Integradu Seguransa Nasionál nian buka atu realiza finalidade Sistema Integradu Seguransa nasionál nian, no komponente oin-oin defeza, Seguransa Interna no Protesau sivil nian.
2. Planu integradu buka liu-liu atu:
 - a) Estabelese kolaborasaun kle'an liu entre F-FDTL no PNTL no entidade sira seluk ne'ebé hamutuk forma Sistema Integradu Seguransa Nasionál nian.
 - b) Dezenvolve relasaun entre instituisaun sira ne'ebé refere
 - c) Dezenvolve estratéjia hirak ne'ebé promove integrasaun planu asaun husi departamentu sira Governu nian, iha área Seguransa Nasionál
 - d) Halo definisaun kona-ba oinsá forsa sira bele komplementa malu ho konsiderasaun ba efisiénsia bainhira kumpre ho sira ida-idak nia misaun, liu-liu iha situasaun krize ne'ebé nesesáriu atu hala'o servisu ne'ebé integradu no uza rekursu tuir dalan ne'ebé efektivu.
3. Komisaun Interministeriál Seguransa nian elabora planu integradu hodi submete ba Governu atu hetan aprovasaun, maibe knaar ida ne'e bele delega ba Sentru Integradu ba Jestaun Krize nian
4. Ministériu Defeza no Seguransa maka responsavel hodi tau matan ba implementasaun planu nian.

SEKSAUN II **ÓRGAUN SOBERANIA NIAN**

Artigu 20 **Prinsípiu Jerál**

Órgaun soberania uza sira nia kompeténsia/poder kona-ba Seguransa Nasionál, liu-liu hodi kontrola malu, tuir Konstituisaun, lejjizlasaun ne'ebé iha vigór no lei ida ne'e nian.

Artigu 21 Prezidente da Repúblika

1. Kona-ba asuntu Seguransa Nasionál, Prezidente da Repúblika iha kompeténsia tuir Konstituisaun, lei ida ne'e no lejjlasaun seluk ne'ebé iha vigór, liu-liu:
 - a) Hodi kontrola atividade entidade sira ne'ebé hamutuk forma Sistema Integradu Seguransa Nasionál nian
 - b) Hodi partisipa iha prosesu atu foti desizaun kona-ba operasaun konjunta, no oinsá atu kontrola no liu-liu iha situasaun krize nian
2. Kompeténsia/poder Prezidente da Repúblika nian ba Seguransa Nasionál estabese iha lei ida ne'e, no la prejudika nia kompeténsia espesífiku nu'udar Komandante Supremu Forsa Armada nian, ne'ebé iha lejjlasaun espesífiku.

Artigu 22 Parlamentu Nasionál

1. Kona-ba asuntu Seguransa Nasionál, Parlamentu Nasionál iha kompeténsia tuir Konstituisaun, lei ida ne'e no lejjlasaun seluk ne'ebé iha vigór
2. Parlamentu Nasionál maka iha kompeténsia atu kontrola asaun polítiku Governu nian liu-liu:
 - a) Partisipa iha formasaun no kontrola desizaun katak entidade sira ne'ebé hamutuk forma Sistema Integradu Seguransa Nasionál sira atu hala'o operasaun, liu-liu iha situasaun krize tuir lei ida ne'e.
 - b) Hola parte atu foti desizaun no aprova politika Governu nian kona-ba Seguransa Nasionál.

Artigu 23 Governu

1. Kona-ba asuntu Seguransa Nasionál, Governu iha

kompeténsia tuir Konstituisaun, lei ida ne'e no lejjlasaun seluk ne'ebé iha vigór liu-liu atu:

- a) Defini no dirije politika nasaun nian kona-ba Seguransa Nasionál
 - b) Dirije Administrasaun públika, liu-liu hodi realiza knaar pesoál nian no knaar órgaun sira ne'ebé hamutuk forma Sistema Integradu Seguransa Nasionál nian.
2. Espesífiku liu ba Primeiru Ministru, nia iha kompeténsia atu prezide Komisaun Interministeriál Seguransa nian, ne'ebé inklui membru competente sira Governu nian.

Artigu 24 Tribunal sira

Tribunal sira maka hala'o kompeténsia hodi hala'o kontrolu jurídiku ba asaun husi entidade oin-oin ne'ebé hamutuk forma no koordena Sistema Integradu Seguransa Nasionál nian liu-liu, liuhusi asaun Ministériu Públiku nian.

Artigu 25 Fiskalizaun/ Monitorizasaun no Kontrolu

1. Asaun Komisaun Interministeriál Seguransa no Kontrolu Integradu ba Jestaun krize nian hetan monitorizasaun polítiku:
 - a) Husi Parlamentu Nasionál liu-liu, liuhusi Komisaun Negosiu Estranjeiru nian, Defeza no Seguransa Nasionál sira, ka bainhira laiha possibilidade atu halo, husi Plenáriu ka husi Komisaun Permanente;
 - b) Husi Prezidente da Repúblika, maski la prejudika nia kompeténsia nu'udar Komandante Supremu Forsa Armada nian.
2. Bainhira Parlamentu Nasionál hala'o nia funsaun kona-ba kontrolu no fiskalizaun, bele fó pareser (konsellu) no halo rekomendasaun kona-ba relatóriu anuál kona-ba

- funzionamentu (oinsá hala'ó)
Komisaun Interministeriál
Seguransa no Sentru Integradu
Jestaun Krize nian.
3. Aprezentasaun no diskusaun iha
Parlamentu Nasionál, kona-ba
relatóriu ne'ebé refere iha número
anterior halo, karik nesesáriu
liuhusi enkontru ne'ebé taka ba
ema seluk, no tuir lei Penal,
membreu hirak ne'ebé presente
tenke rai Segredu.

SEKSAUN III
ORGANIZASAUN NO
FUNSIONAMENTU SISTEMA
INTEGRADU SEGURANSA
NASIONAL NIAN

Artigu 26
Orgánika Sistema Integradu Seguransa
Nasionál

1. Atuasaun entidade sira ne'ebé
hamutuk forma Sistema Integradu
Seguransa Nasionál nian tuir lei ida
ne'e, maski la prejudika sira nia
autonomia, identidade no ba
misaun espesífiku, hetan definisaun
liuhusi Komisaun Interministeriál
Seguransa nian no husi Sentru
Integradu ba Jestaun Krize nian.
2. Funzionamentu (oinsá hala'ó no
organizaun órgaun koordenasaun
no kontrolu ba Sistema Integradu
Seguransa Nasionál nian defini
liuhusi lejislasaun espesífiku.

Artigu 27
Komisaun Interministeriál seguransa
nian

1. Komisaun Interministeriál
Seguransa nian maka órgaun
ne'ebé Primeiru Ministru konsulta
kona-ba koordenasaun politika ba
Sistema Integradu Seguransa
Nasionál.

2. Komisaun Interministeriál Seguransa
nian iha kompeténsia liu-liu atu :
- a) Defini termu sira kooperasaun nian
entre entidade hotu-hotu ne'ebé
hamutuk forma Sistema Integradu
Seguransa Nasionál nian.
- b) Hadiak organizaun Forsa Defeza
no Forsa no Servisu Seguransa no
ajente sira Protesaun Sivíl nian hodi
halo sira sai efikás liu maski la
prejudika sira nia misaun espesífiku.
- c) Halo proposta ba norma kona-ba
oinsá atu hala'ó no prosedimentu sira
Forsa Defeza, Forsa no Servisu
Seguransa no ajente sira Protesaun
Sivíl nian, hodi adopta ba iha
situasaun grave risku nian ka ameasa
ba Seguransa Nasionál;
- d) Defini oinsá Forsa no servisu sira
ne'ebé hamutuk forma Sistema
Integradu Seguransa Nasionál bele
halo koordenasaun no kooperasaun
internasionál;
- e) Defini tuir dalan ne'ebé sistemátiku,
prosedimentu hodi hadiak
koordinasaun no prosesu integradu
formasaun nian
- f) Halo proposta ba Governu kona-ba
Planu Integradu ba Seguransa
Nasionál.

Artigu 28
Kompozisaun

1. Komisaun Interministeriál Seguransa
nian prezide husi Primeiru Ministru,
no nia kompozisaun ne'ebé limitadu
inklui:
- a) Vise-Primeiru Ministru no Ministru
sira Estadu nian
- b) Hirak ne'ebé responsavel ba área
Defeza, Seguransa, Justisa, Negosiu
Estranjeiru, Finansas,

Administrasaun Estatál no
Ordenamentu Territóriu no
Solidariedade.

- c) Diretór jerál Servisu Nasionál
Intelijénsia nian
 - d) Chefe de Estadu Maiór General
Forsa Armada nian
 - e) Komandante jerál PNTL
 - f) Diretór Servisu Migrasaun
 - g) Diretór Sentru Integradu ba Jestaun
Krize nian
2. Bainhira tuir kompozisaun ne'ebé
luan liu, Komisaun Seguransa
inklui mós entidade hirak tuir mai:
- a) Responsavel ba Autoridade
Marítima
 - b) Responsavel ba Autoridade
Aviasaun sivíl
 - c) Responsavel ba Sistema
Protesaun no Sokorru (ajuda)
 - d) Diretór Nasionál Servisu
Prizaun
 - e) Diretór Nasionál Alfândega
3. Primeiru Ministru maka konvoka
no prezide Komisaun
Interministeriál Seguransa nian no
foti desizaun kona-ba
kompozisaun, no bainhira hanoin
katak di'ak, konvida entidade seluk
ho responsabilidade espesífiku atu
prevene no kaer metin krime, ka ba
peskiza no atu fó sai informasaun
ne'ebé relevante ba seguransa
interna, liu-liu ba Prokuradór Jerál
da Repúblika, atu partisipa iha
enkontru maski laiha direitu atu
vota.

4. Rejimentu Komisaun Interministeriál
Seguransa nian aprova liuhusi
Konsellu Ministru

Artigu 29

Sentru Integradu ba Jestaun krize nian

1. Sentru Integradu ba Jestaun Krize nian
maka órgaun ne'ebé espesializadu hodi
fó konsellu no atu hala'o konsulta kona-
ba koordenasaun téknika no operasionál
kona-ba atividade entidade hirak ne'ebé
forma Sistema Integradu Seguransa
Nasionál nian, liu-liu hodi dezenvolve
estratéjia ba prevensaun konfliktu, ne'ebé
hala'o iha Primeiru Ministru nia okos,
no nia bele delega.
2. Sentru ne'e iha Diretór ida ne'ebé
Primeiru Ministru determina, no
entidade sira ne'ebé refere iha aliña c),
d), e), f), no g) iha N° 2 artigu anterior
nian.
3. Diretór Sentru Integradu ba Jestaun
Krize nian simu saláriu ne'ebé hanesan
ho Sekretariu Estadu ida.
4. Sentru Integradu ba Jestaun Krize nian
hala'o servisu iha nivel:
 - a) Plenáriu ne'ebé inklui entidade sira
ne'ebé refere iha número anterior no
 - b) Sekretariadu permanente ne'ebé inklui
representante husi entidade hirak ne'ebé
determina iha aliña c), d), e), f) no g)
husi N°1 iha artigu anterior, ne'ebé lora
- lora fó apoiu ba Diretór.
5. Sentru Integradu ba Jestaun Krize nian
hala'o enkontru ordináriu fulan tolu dala
ida, no estraordináriu bainhira konvoka
ka tuir pedidu husi naran membru ida
ne'ebé hola parte iha nia kompozisaun.
6. Sentru ne'e iha sala situasaun nian hodi
bele akompaña kazu ne'ebé fó ameasa
grave ba seguransa interna.
7. Regulamentu Sentru Integradu ba
Jestaun Krize nian aprova liuhusi
Diploma Governu nian

Artigu 30
Kompeténsia

1. Sentru Integradu ba Jestaun Krize nian maka iha kompeténsia kona-ba Seguransa Nasionál fó tulun regular no permanente ba Diretór hodi hala' o nia kompeténsia.
2. Sentru Integradu ba Jestaun Krize nian, kona ba Seguransa Nasionál, estuda no halo proposta ba medidas ne'ebé iha relasaun, liu-liu:
 - a) Kooperasaun entre entidade hirak ne'ebé hamutuk forma Sistema Integradu Seguransa Nasionál;
 - b) Hadiak organizaun Forsa Defeza no Forsa no Servisu Seguransa no ajente sira Protesaun Sivíl nian hodi halo sira sai efikás liu maski la prejudika sira nia misaun espesífiku;
 - c) Koordena servisu integradu pesoál nian husi instalasaun no meius seluk hodi hasoru situasaun risku no ameasa grave;
 - d) Halo proposta ba norma kona-ba oinsá atu hala' o no ba prosedimentu Forsa Defeza, Forsa no Servisu Seguransa no ajente sira Protesaun sivíl nian, hodi adapta iha situasaun risku ka ameasa grave ba Seguransa Nasionál;
 - e) Hodi defini oinsá halo koordenaun no kooperasaun internasionál forsa no servisu hirak ne'ebé hamutuk forma Sistema Integradu Seguransa Nasionál nian.
3. Diretór Sentru Integradu ba Jestaun Krize nian maka iha kompeténsia atu garante koordenaun ba medidas, planu ka operasaun entre entidade hirak ne'ebé hamutuk forma Sistema Integradu Seguransa Nasionál, no mós koordenaun entre sira nia atividade ho servisu ka entidade públika ka privada seluk, no kooperasaun ho órgaun sira ne'ebé atu hanesan iha estranjeiru.

SEKSAUN IV
KOMPETÉNSIA KONA-BA
SEGURANSA INTERNA

Artigu 31
Kompeténsia Komisaun Interministeriál
Seguransa nian

Komisaun Interministeriál Seguransa nian, kona-ba Seguransa Interna, analiza no fó konsellu kona-ba:

- a) Defini matadalan jerál Politika Seguransa Interna nian
- b) Baze / prinsipiu jerál organizaun nian, oinsá hala' o no dixiplina Forsa no Servisu Seguransa nian no definisaun kona-ba sira nia misaun no kompeténsia;
- c) Elabora lejizlasaun ne'ebé inklui karater jerál kona-ba knaar no kompeténsia forsa no servisu Seguransa nian;
- d) Matadalan jerál ba orientaun ne'ebé tenke tuir formasaun, espesializasaun, atualizasaun no dezenvolve pesoál forsa no servisu Seguransa nian;
- e) Fó konsellu kona-ba asuntu hotu-hotu ne'ebé iha relasaun ho Intelijénsia;
- f) Halo monitorizasaun katak kumpre ho lei kona-ba enkontru no manifestasaun, liu-liu kona-ba restrisaun ne'ebé aplika, bainhira iha perigu ba Seguransa, orden públika ka ba seguransa Estadu nian.

Artigu 32
Kompeténsia sira Sentru Integradu ba
Jestaun krize nian

Sentru Integradu ba Jestaun Krize nian maka iha kompeténsia, maski la prejudika kompeténsia kona-ba Seguransa Nasionál no Seguransa Interna, liu-liu hodi estuda no halo proposta:

- a) Ba politika públika Seguransa Interna nian;
- b) Ba kooperasaun oin-oin forsa no servisu seguransa nian no ba órgaun hirak ne'ebé fó kontribuisaun ba Seguransa interna;
- c) Ba kooperasaun Interministeriál oin-oin, no garante seguransa interna, hodi hasoru dezastre natural ka kalamidade públika;

- d) Hodi dezenvolve mekanizmu kontrolu forsa no servisu seguransa nian
- e) Ba kondisaun servisu pesoál nian, ba instalasaun no meius seluk, norma sira atuasaun no prosedimentu sira forsa no servisu seguransa, hodi adapta iha situasaun ne'ebé fó ameasa grave ba seguransa interna;
- f) Oinsá halo koordenasaun no kooperasaun internasionál forsa no servisu seguransa nian;
- g) Estratéjia no planu asaun nasionál kona-ba prevensaun krime nian

Artigu 33

Kompeténsia Koordenasaun Diretór Sentru Integradu ba Jestaun Krize nian

1. Sei la prejudika kompeténsia seluk, Diretór Sentru Integradu ba Jestaun nian maka iha kompeténsia atu organiza medidas, planu no operasaun entre forsa no servisu oin-oin seguransa nian hodi halo ligasaun entre servisu hirak ne'e ho servisu seluk ka entidade públuka ka privada no kooperasaun ho órgaun estranjeiru ne'ebé atu hanesan.
2. Diretór maka iha kompeténsia, tuir nia kompeténsia koordenasaun nian atu:
 - a) Halo koordenasaun ba asaun husi forsa no servisu seguransa nian
 - b) Hametin kolaboraasaun entre forsa no servisu seguransa hotu-hotu hodi garante asesu ba informasaun/Intelijénsia ne'ebé nesesáriu
3. Diretór maka iha kompeténsia mós atu:
 - a) Garante ligasaun forsa no servisu sira seguransa nian ho sistema prizaun nian, hodi sai efikás liu kona-ba prevensaun no la husik krime sai boot liu.
 - b) Garante ligasaun entre forsa no servisu seguransa no Forsa Armada bainhira hatan ba ameasa ba Seguransa Interna.
 - c) Garante ligasaun entre forsa no servisu seguransa no Diresaun Nasionál ba Jestaun Dezastre nian, hodi hasoru

- d) Garante koordenasaun entre forsa no servisu seguransa no servisu emerjénsia médika no seguransa ambiente nian, tuir definisaun no implementasaun ba planu seguransa no jestaun krize nian;
- e) Halo ligasaun ba instituisaun ho estrutura privada, ne'ebé inklui empreza seguransa privada nian.

Artigu 34

Hala'o Operasaun

1. Operasaun conjunta husi entidade hirak ne'ebé hamutuk forma Sistema Integradu Seguransa Nasionál, bele decide deit bainhira determina katak intervensaun husi entidade hirak ne'ebé hamutuk forma Sistema Integradu Seguransa Nasionál ho kompeténsia prinsipál atu garante nia Objektivu Permanente, tuir Konstituisaun no lei ida ne'e, no lei seluk ne'ebé vigora iha Timor-Leste, la suficiente.
2. Bele foti desizaun atu hala'o operasaun conjunta iha situasaun krize tanba kalamidade públuka, katástrofe ka dezastre natural no mudansa boot ba orden públuka ne'ebé la justifika deklarasaun Estadu nian kona-ba exesaun Konstitusionál.

Artigu 35

Hala'o Operasaun Konjunta

1. Bainhira intervensaun husi naran entidade ida husi entidade hirak ne'ebé hamutuk forma Sistema Integradu Seguransa Nasionál nian la suficiente, liuhusi Komisaun Interministeriál Seguransa nian, governu bele foti desizaun hodi hala'o asaun tuir modalidade ida husi lei ida ne'e, maski la prejudika kompeténsia Prezidente da Repúblika nian nu'udar Komandante Supremu F-FDTL nian.
2. Governu no Prezidente da Repúblika nu'udar komandante Supremu Forsa Armada nian maka foti desizaun

- kona-ba bainhira atu uza F-FDTL tuir lejlzasaun spesífiku ne'ebé iha relasaun ho Defeza Nasionál.
3. Hodi uza entidade hirak ne'ebé hamutuk forma Sistema Integradu Seguransa Nasionál, hodi hala'ó operasaun, Komisaun Interministeriál Seguransa nian tenke rona Parlamentu Nasionál, bainhira bele preve katak atu uza forsa, no sei koordena ho Prezidente da República kona-ba oinsá hala'ó operasaun konjunta entidade hirak ne'ebé hamutuk forma Sistema Integradu Seguransa Nasionál nian.

Artigu 36

Regra kona-ba Operasaun Konjunta

1. Operasaun konjunta entidade hirak ne'ebé hamutuk forma Sistema Integradu Seguransa Nasionál nian, tuir lei ida ne'e, adopta regra sira ne'ebé preve iha número hirak tuir mai;
2. Asaun konjunta forsa nian liuhusi kooperasaun no koordenasaun hodi komete forsa Defeza no Forsa no Servisu Seguransa Nasionál no agente sira Protesaun Sivíl nian, hala'ó maski laiha prejuizu ba nia autonomia, identidade, no ba nia misaun spesífiku, no sira sei hala'ó operasaun hodi fó apoiu suplementár ba entidade ne'ebé iha responsabilidade / kompeténsia prinsipál tuir lei ida ne'e.
3. Bele estabelese forsa-tarefa (task-force), hodi koordena Komandu operasionál entidade hirak ne'ebé atu partisipa iha Sistema Integradu Seguransa Nasionál, hodi kumpre misaun spesífika Seguransa Nasionál nian, bainhira situasaun grave no justifika hala'ó operasaun
4. Bele estabelese Komandu Konjuntu operasionál hodi komanda no kontrola operasaun konjunta, bainhira situasaun grave

loos no justifika katak hala'ó operasaun.

5. Asaun Operasionál bazeia ba Justifikasaun empenhamentu nian, nivel komandu estratéjiku no operasionál, grau komandu no kontrolu, estrutura komandu no nivel no regra sira empenhamentu nian

Artigu 37

Direasaun no Komandu Operasionál

1. Bainhira hala'ó operasaun konjunta ho entidade hirak ne'ebé hamutuk forma Sistema Integradu Seguransa Nasionál, bele hatene ona ka la'e katak atu uza forsa tuir lei ne'ebé iha
2. Bainhira la bele preve katak atu uza forsa, responsabilidade ba planeamentu no prosesu fahe misaun ka tarefa sira nian no kontrolu ba implementasaun, monu ba entidade ho kompeténsia prinsipál atu halo intervensaun, no Primeiru Ministru bele delega koordenasaun ba Diretór Sentru Integradu ba Jestaun Krize nian
3. Bainhira iha possibilidade atu uza forsa, kompeténsia atu halo koordenasaun ba Sentru Integradu ba Jestaun krize nian, no kontrolu polítiku husi Primeiru Ministru sei la prejudika estrutura komandu no kontrolu entidade sira nian
4. Bainhira uza F-FDTL, kompeténsia sira Prezidente da República nian nu'udar Komandante Supremu, sei la prejudika estrutura komandu no kontrolu nian.

Artigu 38

Asaun husi Sentru Integradu ba Jestaun krize nian

1. Iha situasaun krize ne'ebé kauza distúrbu boot ba orden públka ka kalamidade públka, Sentru Integradu ba Jestaun krize nian hela

- iha Primeiru Ministru nia okos no hala'o nu'udar sala situasaun nian
2. Sentru Integradu ba Jestaun krize nian bele mós hala'o nu'udar sala situasaun iha kazu ne'ebé iha exesaun Konstitusionál, tuir lejlzasaun ne'ebé regula Estadu de Sitiu no Emerjénsia nian.

KAPITULU IV DISPOZISAUN FINAL NO TRANZITORIU

Artigu 39 Sistema Nasionál Intelijénsia

1. Sistema nasional Intelijénsia RDTL nian fó apoiu ba atividade Estadu kona-ba Seguransa Nasionál liuhusi Servisu Nasionál Intelijénsia, rekolla, prosesa no halo Sosializasaun ba informasaun ne'ebé nesesáriu hodi proteje independénsia no soberania nasional no garante Seguransa Nasionál, iha nivel internu no esternu.
2. Politika kona-ba Intelijénsia ho vizaun atu hetan, halo jestaun no koordenaun ba informasaun estratéjika, no mós kona-ba informasaun saida deit maka servisu ida-idak ne'ebé iha ligasaun ba funsaun atu rekolla no prosesa.
3. servisu Nasionál Intelijénsia nian tenké iha kapasidade atu halo avaliaun transversal (ba buat/área hotu-hotu), ba situasaun Seguransa Nasionál iha nivel internu no esternu, hodi asegura koordenaun efikás no katak servisu sira komplementa malu hodi halo forsa sira makas liu.
4. Tenke garante ligasaun funsaun nian entre Servisu Nasionál Intelijénsia no Servisu Informasaun Militar nian no Servisu Informasaun Polisia nian

5. Bainhira hala'o kompeténsia kona-ba Sistema Informasaun, liu-liu kona-ba asaun no efikásia sistema no servisu hotu-hotu iha Konstituisaun no lei nia okos, tenke respeita Direitu, Liberdade no Garantia Fundamental sidadaun sira nian, desizaun polítiku no ierarkia administrativa.
6. Pontu hirak ne'ebé preve iha número anterior, regula liuhusi lejlzasaun espesífiku, ne'ebé garante liu-liu, nesesidade no mekanizmu kontrolu no fiskalizaun internu no esternu nian.

Artigu 40 Seguransa

1. Tanba iha interese boot ba públiku, tenke garante seguransa pesoál, material no ba instalasaun , informasaun no Informática (IT)
2. Hodi bele hala'o saida maka preve iha número anterior, bele estabelese nivel oin-oin akreditaun nian hodi hetan asesu ba instalasaun no matéria ne'ebé klasifikadu ba objetivu sivil no militar, autoridade nasional ida ne'ebé iha kompeténsia maka sei defini, liu-liu hodi halo fiskalizaun /monitorizasaun ba implementasaun
3. Organizasaun no funksionamentu sei defini liuhusi lejlzasaun espesífika.

Artigu 41 Dever Segredu nian

1. Matéria ne'ebé Segredu Estadu nian dezenvolve liuhusi lejlzasaun espesífiku, ne'ebé regula liu-liu kona-ba oinsá autoridade ho kompeténsia ba matéria hirak ne'e hala'o
2. Violasaun ba Segredu Estadu nian no ba dever atu rai Segredu, sei hetan punisaun/kastigu liuhusi Lei

Artigu 42
Regulamentasaun

Prezidente da Repúblika

Dr. José Ramos Horta

1. Lejizlasaun ne'ebé aprova kona-ba Seguransa Nasionál tenke promove ligasaun entre estrutura legal ne'ebé iha
2. Definisaun ba atividade sira Estadu nian kona-ba Defeza Nasionál, regula liuhusi lei Defeza Nasionál, Seguransa Interna, regula liuhusi lei Seguransa Interna no Protesaun Sivíl regula husi lei protesauun Sivíl.
3. Sistema Autoridade Marítima sei regula liuhusi lejizlasaun espesiál
4. Atividade Seguransa Privada nian regula liuhusi lejizlasaun autónomu
5. Kompozisaun, organizaun, estrutura no knaar F-FDTL, PNTL, Autoridade Protesaun Sivíl no entidade seluk ne'ebé hamutuk forma Sistema Integradu Seguransa Nasionál defini liuhusi lejizlasaun espesiál

Artigu 43
Norma Revogatória

Lei no Reglamentu hotu-hotu ne'ebé la tuir diploma ida ne'e sei Revoga (la vale).

Artigu 44
Tama iha Vigór

Diploma ne'e tama iha vigór iha loraun ida hafoin públika.

Aprova iha loraun 10 fulan Marsu 2010

Prezidente Parlamentu Nasionál;

Fernando La Sama de Araújo

Promulga iha 9/4/2010

Públika